

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA
Broj: T04 0 KT 0059927 26
Zenica, 07.04.2026. godine

OPĆINSKI SUD U TEŠNJU
-Sudiji za prethodno saslušanje-

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku Federacije Bosne i Hercegovine (ZKP F BiH), p o d i ž e m,

OPTUŽNICU

Protiv:

F. B., neosuđivan,

da je:

dana 09.08.2024. godine, oko 09,15 sati, na području općine T.,u blizini naseljenog mjesta P., upravljajući putničkim vozilom marke ..., reg. oznaka ..., iz nehata, kao učesnik u saobraćaju na putevima ne pridržavajući se saobraćajnih propisa time tako ugrozio javni saobraćaj da je doveo u opasnost život ljudi uslijed čega je prouzrokovana teška tjelesna ozljeda jedne osobe, na način da je,

krećući se magistralnim putem M-4 .. iz smjera ..., preduzeo radnju skretanja vozilom ulijevo prema naseljenom mjestu P., a da se prethodno nije uvjerio da to može učiniti bez opasnosti za druge učesnike u saobraćaju ili imovinu i ne vodeći pri tome računa o položaju vozila i pravcu i brzini kretanja, svjestan da zbog toga može nastupiti zabranjena posljedica, ali je olako držao da ona neće nastupiti ili da će je moći spriječiti,

pa je postupajući suprotno odredbama iz člana 36. stav 1. Zakona o osnovama bezbjednosti saobraćaja na putevima BiH, vozeći tako u blizini naseljenog mjesta P., preduzeo radnju skretanja vozilom ... ulijevo prema mjestu P., i tom prilikom prešao na lijevu saobraćajnu traku svojim vozilo u kojoj je na udaljenosti od 0,2 metra od razdjelne linije ostvario kontakt lijevom prednjim bočnim dijelom – tzv. „blatobranom“ svog vozila ... sa srednjim dijelom desne strane motocikla marke ... reg. oznaka ... koji je već bio u fazi izmicanja zbog preticanja njegovog vozila, a kojim motociklom je upravljao A. Č., na koji način je ugrozio bezbjednost saobraćaja, uslijed čega je došlo do klizanja motocikla na kolovoznoj traci kada je A.sa istog pao i tom prilikom zadobio teške tjelesne povrede u vidu nagnječenja glave i tijela, preloma desne ključne kosti sa dislokacijom i ogrebotine desnog lakta,

dakle, iz nehata, kao učesnik u saobraćaju na putevima ne pridržavajući se saobraćajnih propisa time tako ugrozio javni saobraćaj da je doveo u opasnost život ljudi uslijed čega je prouzrokovana teška tjelesna povreda jedne osobe,

čime bi počinio krivično djelo „Teška krivična djela protiv sigurnosti javnog saobraćaja“ iz člana 336. stav 3. u vezi člana 332. stav 3. u vezi sa stavom 1. Krivičnog zakona Federacije Bosne i Hercegovine (KZ F BiH).